



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԲՆԱՊԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍԶԱԿԱՆ ՄԱՐՄՆԻ
ՎԱՅՈՑ ՁՈՐԻ ՏԱՐԱԾՔԱՅԻՆ ԲԱԺԻՆ**

**ՈՐՈՇՈՒՄ 09/36-Ա
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ**

28 սեպտեմբերի 2020 թվական

քաղաք Եղեգնաձոր

Բնապահպանության և ընդերքի տեսչական մարմնի (այսուհետ՝ Տեսչական մարմին) Վայոց ձորի տարածքային բաժնի պետ Արգամ Մարգարյանս, քննության առնելով «ՀԱԿ ՀԷԿ» ՍՊԸ-ի տնօրեն Սարկիս Սամվելի Ավետիսյանի նկատմամբ հարուցված վարչական իրավախախտման վերաբերյալ գործի նյութերը.

ՊԱՐԶԵՑԻ

ՀՀ քննչական կոմիտեի հատկապես կարևոր գործերի քննության գլխավոր վարչությունից 2020 թվականի օգոստոսի 31-ին ստացված №7-253 քր-18 գրության և ընդհանուր բնույթի և ընտրական հանցագործությունների քննության վարչության պետի տեղակալ, արդարադատության երրորդ դասի խորհրդական Ա. Գեղամյանի 2020 թվականի օրգոստոսի 31-ի «Քրեական գործի վարույթը կարճելու և քրեական հետապնդում չիրականացնելու մասին» որոշման (այսուհետ Որոշում) համաձայն «ՀԱԿ ՀԷԿ» Սահմանափակ պատասխանատվությամբ ընկերությանն (այսուհետ ընկերություն) է պատկանում «Կարակայա» փոքր հիդրոէլեկտրակայանը (այսուհետ ՓՀԷԿ), որը գտնվում է Վայոց ձոր մարզի Եղեգիս համայնքով անցնող Եղեգիս գետի Կարակայա վտակի վրա:

Ընկերությունը գրառվում է էլեկտրաէներգիայի արտադրությամբ:

1. Որոշման համաձայն «Կարակայա» ՓՀԷԿ-ը 2018թ. մարտ, ապրիլ և դեկտեմբեր ամիսներին գերազանցել է №000227 ջրօգտագործման թույլտվությամբ հաստատված ջրառի նորմերը համապատասխանաբար 428544 մ³-ով, 129600մ³ և 80352 մ³-ով:

2. Վերը նշվածով խախտվել են ՀՀ Ջրային օրենսգրքի 27-րդ հոդվածի 2-րդ մասի և 37-րդ հոդվածի պահանջները:

Հիմք ընդունելով Վարչական իրավախախտման վերաբերյալ Հայաստանի Հանրապետության օրենսգրքի 37-րդ հոդվածի 2-րդ մասը, 2020 թվականի սեպտեմբերի 14-ին կազմվել է «Վարչական իրավախախտման վերաբերյալ» թիվ 09/36 արձանագրություն և նշանակվել է վարչական իրավախախտման վերաբերյալ գործի քննություն:

«ՀԱԿ ՀԷԿ» ՍՊԸ-ի տնօրեն Սարկիս Սամվելի Ավետիսյանը պատշաճ կարգով ծանուցված է վարչական իրավախախտման վերաբերյալ գործի քննության տեղի և ժամանակի մասին, սակայն գործի քննությանը չի ներկայացել և գործի վարույթը հետաձգելու վերաբերյալ միջնորդություն, ինչպես նաև որևէ առարկություն չի ներկայացրել:

ՀՀ Ջրային օրենսգրքի 21-րդ հոդվածի համաձայն ցանկացած տեսակի ջրօգտագործման համար յուրաքանչյուր ոք պարտավոր է ստանալ ջրօգտագործման թույլտվություն, բացառությամբ սույն օրենսգրքով նախատեսված դեպքերի:

ՀՀ Ջրային օրենսգրքի 27-րդ հոդվածի 2-րդ պարբերության համաձայն՝ ջրօգտագործման թույլտվության յուրաքանչյուր կողմ պարտավոր է կատարել ջրօգտագործման թույլտվությամբ սահմանված պարտավորությունները:

Նույն օրենսգրքի 37-րդ հոդվածի համաձայն՝ ջուրը պետք է վերցվի և օգտագործվի միայն ջրօգտագործման թույլտվության մեջ նշված նպատակներով և չպետք է գերազանցի արդյունավետ օգտագործման համար ջրային ռեսուրսների կառավարման և պահպանության մարմնի հիմնավորած և սահմանած չափաքանակները:

Ջրային համակարգերի օգտագործումը պետք է ապահովի արդյունավետ ջրօգտագործումը:

ՀՀ Ջրային օրենսգրքի 114-րդ հոդվածի 1-ին մասի 2-րդ կետի համաձայն առանց նախապես ջրօգտագործման թույլտվության ջրօգտագործում իրականացնելու և (կամ) ջրօգտագործման թույլտվության պահանջները չկատարելու համար սահմանվում է վարչական պատասխանատվություն:

Վարչական իրավախախտումների վերաբերյալ գործի քննությամբ հաստատվել է, որ «ՀԱԿ ՀԷԿ» ՍՊԸ-ի տնօրեն Սարկիս Սամվելի Ավետիսյանը իր գործողություններով խախտել է ՀՀ Ջրային օրենսգրքի 27-րդ հոդվածի 2-րդ պարբերության և 37-րդ հոդվածի պահանջները, որի համար նախատեսված է վարչական պատասխանատվություն Վարչական իրավախախտումների վերաբերյալ Հայաստանի Հանրապետության օրենսգրքի 63²-րդ հոդվածի 2-րդ մասով սահմանված կարգով:

Ելնելով վերոգրյալից և ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 14-րդ, 35-րդ, 37-րդ հոդվածի 2-րդ մասի 242-րդ, 282-րդ հոդվածի 1-ին մասի և 63²-րդ հոդվածների պահանջներով՝

ՈՐՈՇԵՑԻ

1. «ՀԱԿ ՀԷԿ» ՍՊԸ-ի տնօրեն Սարկիս Սամվելի Ավետիսյանի նկատմամբ նշանակել վարչական տուգանք՝ սահմանված նվազագույն աշխատավարձի երկուհարյուրապատիկի չափով՝ 200.000 (երկու հարյուր հազար) Հայաստանի Հանրապետության դրամ:

2. Սույն որոշումն օրինական ուժի մեջ է մտնում Սարկիս Սամվելի Ավետիսյանին հանձնելուն հաջորդող օրվանից:

3. Սույն որոշումը կարող է բողոքարկվել վարչական կարգով՝ տեսչական մարմնի ղեկավարին կամ դատական կարգով որոշումը հանձնելու (հանձնված համարվելու) օրվանից հետո՝ երեսուներորդ ժամկետում:

4. Որոշման օրինական ուժի մեջ մտնելու պահից երեսուներորդ ժամկետում վերջինս չբողոքարկվելու դեպքում այն դառնում է անբողոքարկելի՝ և ենթակա է հարկադիր կատարման:

5. Սույն որոշմամբ սահմանված տուգանքը վճարել Հայաստանի Հանրապետության պետական բյուջե՝ 900005024063 հաշվին:

Բաժնի պետ՝

Ա. Մարգարյան

